

枝江縣志卷之一

地理志^上

周官土訓掌道地圖以詔地事誦訓掌道方志以詔觀事剛柔燥濕土宜攸殊質性亦別教養該焉關津要隘險夷有辨廣袤以差望守繫焉雖蕞爾邑某水某邱爲興爲廢觸目愴懷官斯土者磐石之安芭桑之固所宜計也爰撮其形勢與其利害著於篇首志地理

分野

枝江縣志

卷一上

地理志上

一

周禮春官保章氏以星土辨九州之地所封域皆有分星以觀妖祥註云星土星所主土也十二次之分鶉尾楚也

鄭語周史伯曰楚重黎之後黎爲高辛氏火正此鶉尾爲楚之分星卽荆南諸道之土星

左傳襄公二十八年裨竈謂歲棄其次而旅於明年之次以害鳥帑周楚惡之註云鳥尾曰帑蓋鶉無尾以翼爲尾是知鶉尾卽翼宿也

漢獻帝建安十二年冬十月有星孛於鶉尾集覽云鶉

尾其次在已楚之分野又集註云南方七宿曰鶉火鶉尾其自南郡江夏以及汝南諸郡皆古荊州分今之江陵公安石首松滋枝江彝陵宜都長陽歸州興山巴東則荊州之南郡分止翼之十度遷固世掌天文蔡邕費直陳卓皇甫謐僧一行輩考論互異總以翼軫爲楚之分野故本晉書以翼十度爲宗則翼軫之屬荊南諸郡也無疑矣府志

晉書天文志自張十七度至軫十一度爲鶉尾於辰在已楚之分野屬荊州南郡入翼十度

枝江縣志

卷一上

地理志上

二

史記曰翼軫荊州乃晉書不言軫而專以翼之十度爲南郡分野則枝江猶在翼十度內也

丹元子步天歌翼二十二星大難識上五下五橫著行中央六箇恰似張更有六星在何處二三相連張畔附必若不能分處所更請向前看野取五箇黑星翼

下頭欲知名字是東甌

東甌越也

王志曰周天三百六十五度每一度一千四百六十里有奇荊州府屬徑六百餘里是一度中占三分之一有奇爾其兼翼軫者包全楚而言其主翼十度者

專以荆郡所屬言也

謝志曰陳卓州郡躔次所謂南郡入翼十度者兼荆
州襄陽宜昌荆門及四川巫山地今荆郡七屬不過
於一度中占三分之一爾枝以蕞爾邑何分野之足
志然牛斗本揚州之域劍光所指張華決其兆於豐
城烏帑爲荆土之分歲星偶乖裨竈以爲應在楚子
可知成象成形影移響應正有確然不失毫釐者今
枝本熊通故國考驗家精於推步當不難於十度中
條分縷析也故備舉全楚分野及翼宿度數著於篇


枝江縣志

卷一上

地理志上

三

翼星圖附



沿革攷

禹貢荆及衡陽爲荊州枝江荊州域

商頌維女荆楚居國南鄉枝江楚地

周禮正南曰荊州其川江漢江出岷山至此分枝

史記楚世家周成王時舉文武勤勞之後嗣面封熊繹於楚蠻胙以子男之田姓芈氏居丹陽

春秋時爲羅國地路史羅熊姓初封在襄之宜城後徙江陵之枝江周東乃自枝江徙長沙杜預左傳注羅熊姓國在宜城縣西山中後徙南郡枝江縣後漢郡

枝江縣志

卷一上

地理志上

四

國志枝江侯國本羅圖地水經注其民古羅徙羅故居宜城西山楚文王又徙之於長沙今羅縣是矣按羅在枝江水經注曰其民古羅徙不詳徙自何時徙於何人考路史武王都丹陽杜預注伐紂之役羅在宜城西山中爲武王四十二年其時羅未在枝江而水經注文王又徙之於長沙是羅自枝江徙之矣路史曰後徙江陵之枝江杜預亦曰後徙南郡枝江縣其年代亦不詳存叅

秦廢封建爲郡縣置南郡枝江南郡地

前漢地理志秦置南郡高帝元年更爲臨江郡五年復
故景帝二年復爲臨江 復故領縣十八枝江

列第十江陵

自故楚郢都徙

臨沮 夷陵 華容

宜城 郢 郢 當陽

中廬 枝江故羅國出西東

入江師古曰沱即江別出者也

襄陽 編 秭歸 夷道 州陵

郡 巫 高成

後漢郡國志南郡十七城枝江列第十三江陵 巫

秭歸 中廬 編 當陽 華容 襄陽 郢 宜

城 郡 臨沮 枝江侯國本羅國有丹陽聚 夷

枝江縣志

卷一上 地理志上

五

道 夷陵 州陵 佷山

晉志後漢建安十三年魏武盡得荊州之地分南郡以

北立襄陽郡又分南陽西界立南鄉郡分枝江以西

立臨江郡

吳志呂蒙平南郡據江陵陸遜別取宜都獲秭歸枝江

夷道縣習鑿齒云魏武平荊州分南郡以西爲臨江

郡

晉書地理志南郡領縣十一枝江列第六江陵 編

當陽 華容 若 枝江故羅國 旌陽宋書州郡志二見晉

是太康地志疑

州陵

監利

松滋

石首

宋書州郡志南郡宋初領縣九後州陵監利度屬巴陵

旌陽文帝元嘉十八年省併枝江凡領六縣枝江列

第六江陵 華容 當陽 臨沮 編 枝江

齊書州郡志南郡領縣六枝江列第三江陵 華容

枝江 臨沮 編當陽

梁陳時枝江屬江陵總管府

隋書地理志南郡舊置荊州西魏以封梁為藩國又置

江陵總管開皇初府廢七年併梁又置二十年改為

枝江縣志

卷一上

地理志上

六

荊州總管大業初廢統縣一十枝江列第四江陵

長陽 宜昌 枝江 當陽 松滋 長甯 公安

安興 紫陵

唐書地理志江陵府江陵郡本荊州南郡天寶元年更

郡名肅宗上元元年號南都為府二年罷都是年又

號南都尋罷領縣八枝江列第二江陵 枝江上元元年

析江陵置長甯縣二年省枝江省長甯 當陽 長甯 石

首 松滋 公安 荆門

五代荆歸峽三州為南平國

按五代史職方考云然枝江宜屬焉

宋史地理志江陵府建炎四年改荆南府淳熙中復故

領縣八枝江列第七江陵 公安 潛江 監利

松滋 石首 枝江熙甯六年省入松滋元祐元年復建炎四年江陵寄治紹興六年

年還舊嘉熙元年移白水鎮下沱市咸建甯

元史地理志唐荊州府復為江陵府宋為荆南府至元

十三年改上路總管府天曆二年以文宗潛藩改為

中興路領縣七枝江列第五江陵上公安中石首中

松滋中枝江下潛江中監利中

枝江縣志 卷一上 地理志上 七

明史元中興路屬太祖甲辰年九月改為荊州府屬湖

廣行省吳元年十月置湖廣分省於此尋罷九年屬

湖廣布政司尋改屬河南二十四年還屬領州二縣

十一枝江列第六江陵 公安 石首 監利 松

滋 枝江北府西洪武十年省入松滋縣十三年復置

故曰枝江北有沮水夷陵州 長陽 宜都 遠安

歸州 興山 巴東

國朝沿明制設荊州府領州縣如舊雍正十三年陞彝

陵州為宜昌府立東湖縣為首邑長陽歸州興山巴

東屬焉乾隆中割遠安屬荆門州今領縣七枝江列

第六江陵 公安 石首 監利 松滋 枝江

宜都

沿革表

晉	三國	東漢	漢	枝江縣志	秦	周	商	夏	朝代
南郡	南郡	南郡 臨江郡	臨江郡	卷一上	南郡	荊州	荊州	荊州	統轄
		侯國		地理志上		羅楚	楚		國名
符堅之銳王徙於此據	百里洲 <small>謝志注</small>		沮中 <small>舊志注</small>	八					縣治
			考前列地江 志始亦未詳 縣治今仍舊 縣志注						併縣
枝江縣	枝江縣	枝江縣	枝江縣						縣名

宋	五代	唐	隋	梁 陳	枝江縣志	齊	宋	
江陵府	南平國	江陵郡	南郡 荊州總管府	江陵總管府		南郡	南郡	
							侯相	
徙 澌洋洲 元嘉熙 元年						卷一上地理志上		或即沮冠於移刺王無為門志 有移中荆此沮史志命荆又云 之縣移州當上命謂向荆云云 備治州密符舊向荆成刺向古 考理邇邇城戍州事史冲蹟
建元枝熙 炎祐江甯 四年元入六 江復年松滋 復年滋省		尋復置枝江 省長甯	上元二年省 枝江入長甯			九	晉時立旌陽 縣元嘉十八 年歸併枝江	
枝江縣	枝江縣	枝江縣	枝江縣	枝江縣		枝江縣	枝江縣	

